

Rapport da gestiun e quen 2022

dalla
**Pleiv catolica
Medel/Lucmagn**



Val Medel, fevrier 2023

Cuntegn

Invitaziun alla radunanza generala 2023	pg. 02
Tractandas	pg. 02
Protocol dalla davosa radunanza generala dils 22 da matg 2022	pg. 03
Rapport da gestiun 2022	pg. 08
Autoritads dalla pleiv	pg. 11
Stan da facultad dallas baselgias e capluttas dalla pleiv 2022	pg. 13
Quen 2022	pg. 14
Rapport dils revisurs	pg. 16
Preventiv 2023	pg. 17
Damonda agid sin tuts camps	pg. 19

Invitaziun

**alla radunonza generala dalla pleiv Medel/Lucmagn,
gievgia, ils 30 da mars 23, allas 20.00 uras
ella sala dalla scola veglia a Platta**

Nus publichein il rapport da gestiun e quen sin nossa pagina da casa. Ins anfla tal denton era en baselgia ni sin canzlia (naven dils 20.3.23). La versiun digitala saveis dumandar sut pleiv.medel@gmail.com.

Tractandas

1. Avertura
2. Nominaziun d'in dumbravuschs
3. Approbaziun dalla gliesta da tractandas
4. Approbaziun dil protocol dils 12 da matg 2022
5. Communicaziuns
6. Elecziuns
 - Ugau-baselgia administrativ S.Martin e S.Clau
 - assessurs
 - secretaria
7. Rendaquen 2022
 - a.) Rapport annual dil cassier
 - b.) Rapport dils revisurs ed approbaziun dil quen 2022
8. Presentaziun ed approbaziun dil preventiv 2023
9. Fixar il pei da taglia pigl onn 2023
- 10.Varia

Val Medel, mars 2023
Per la pleiv da Medel/Lucmagn
La suprastanza

**Protocol
dalla radunanza generala dalla pleiv Medel/Lucmagn, gievgia, ils 12 da matg
2022, allas 20.00 uras ell'aula dalla scoletta a Curaglia**

Perstgisas: Venzin Evelina, Pally Gabriela, Venzin Marlies

Tractandas:

1. Avertura
2. Nominaziun d'in dumbravuschs
3. Approbaziun dalla gliesta da tractandas
4. Approbaziun dil protocol dils 15 da zercladur 2021
5. Communicaziuns
6. Elecziuns
 - president
 - ugaus-baselgia s. Martin e s. Clau
 - revisur da quen
7. Rendaquen 2021
 - a) rapport annual dil cassier
 - b) rapport dils revisurs ed approbaziun dil quen 2021
8. Presentaziun ed approbaziun dil preventiv 2022
9. Fixar il pei da taglia per igl onn 2021
10. Varia

1. Avertura

Nies president Gabriel Venzin-Marty fa in cordial beinvegni a tuts presents ell'aula en scoletta. Suenter in liung temps da corona cun sias differentas restricziuns eis ei ussa pusseivel da seradunar e viver la communitad. Suenter quei temps malguesslein nus puspei sedar breigia da s'entupar cun nos concartents e da sediscuorer e tgirar il socialess.

Malgrad tut quei savein nus dar in sguard anavos e constattar in bien onn da quen e gestiun e d'in onn cun in bien andament. La pleiv da Medel vegn tgirada da sur Giusep, sur Alexi e sur Mathew. Il president alleghescha ina pintga anectota cun sur Alexi. Da cuort seigien els s'entupai ella pizzeria e vegni en in flot discours dil mund e dalla pleiv da Medel. El ha menegiau che nus seigien ina dallas paucas pleivs el contuorn che hagien la quida da dus augsegners romontschs. Il president ha sincerau che nus seigien cunscients da quei e che nus engrazieien grondamein. Sur Alexi ha manegiau ch'el senti empau la sanedad. El vegni denton vinavon cun plascher enta Medel. Ins senti la beinvllientscha ed igl engraziamenti dils Medelins ed aschia continueschi el. Cun sur Giusep vein nus ina ferma petga en pleiv e nus admettein in grond Dieus paghi per tut engaschi. Sur Mathew ei sedecidius da seretrer da Tujetsch e da Medel cun la fin settember 2022. Ad el engraziein nus per siu slontsch e bien engaschi en far messa en nossa pleiv. Ad el tut bien per siu futur.

Il president ha gia menziunau il bien andament per 2021. Cun massa gidonters ei la lavur repartida sin bia schuialas ed aschia ha ei funcziunau bein il 2021. Il team da suprastanza ha giu ina bona collauraziun e saviu luvrar maun en maun. Tal stat vinavon en uffeci e dat capara per ina bona organisaziun en pleiv.

Mintga casada ha retschiert il rapport da gestiun che cuntegn il protocol dalla davosa radunanza generala, il quen dalla pleiv per igl onn 2021, il preventiv per igl onn 2022 sco era la gliesta da tractandas ch'ei stada publicada el Fegl ufficial sco era sin tabla nera.

2. Nominaziun d'in dumbravuschs

Per il diember da presents (10 persunas) tonscha ei cun in dumbravuschs. Proponida ed elegida vegn Deragisch Alice Curaglia.

3. Approbaziun dalla giesta da tractandas

La giesta da tractandas vegn approbada unanimamein cun duas midadas:

1. «Elecziun d'in revisur da quen» vegn strihau dalla giesta da tractandas pertgei l'elecziun da tal ei en turnus da mintgamai treis onns tenor artechel. 9 sutartechel 1 dalla constituziun dalla pleiv e quei succeda pia l'auter onn.
2. Midada da «Ugaus-basegia S. Clau e S. Martin» sut tractanda 6b. en «Ugau administrativ ed ugau tecnic S. Clau e S. Martin».

4. Approbaziun dil protocol dils 15 da zercladur 2021

Il protocol dalla davosa radunanza generala ei staus aschuntaus al rapport da gestiun, aschia che mintgin ha giu la pusseivladad da leger el. Il protocol vegn approbaus senza midadas cun engraziar all'actuara Gabriela Pally.

5. Communicaziuns

La suprastonza da pleiv dat in sguard anavos sigl onn 2021.

Claudio Pally: (ugau administrativ)

Il Claudio engrazia al Werner Venzin per la buna collaboraziun e menziunescha ch'el seigi segidaus cun il Werner pertuccont las finanzas d'omisduas baselgias. El menziunescha ch'el seigi prompts da segidar cun la pleiv sco ugau administrativ. El stetti bugen a disposiziun en elecziun d'ugau administrativ per in onn.

Werner Venzin: (ugau tecnic)

Dapi la radunanza generala 2021 hagi el surpriu gl'uffeci d'ugau-basegia per las baselgias S. Martin e S. Clau. Gia suenter las empremas uras d'instrucziun tiel Claudio Pally seigi el staus pertscharts che quei seigi in uffeci cun bia resposabladad. Il Werner engrazia al Claudio Pally ch'ei staus promts da segidar cun la contabilitad. Il davos settember ei in ventil d'ina fiffa dall'orgla en baselgia s. Martin a Platta seblocceaus. Il construider ha denton saviu sligiar il problem. Il Werner Venzin menziunescha ch'ils cuosts dallas novas lingias dad aua dalla casa pervenda a Curaglia sebasien a ca. 5000 fr. Ils parcadis previ avon casa pervenda cuostan aunc inagada entuorn 1'200 fr. Werner Venzin engrazia a Claudio e la suprastonza per la buna collaboraziun.

Gienal Patric: (secretari)

Nies secretari Patric pren il plaid e lai passar il vargau en in per informaziuns e cavazzins.

Fiestas:

En consequenza dallas restricziuns da corona vein nus per part era uonn stuiu restrenscher nossas fiestas ecclesiasticas e sontgas messas. La giuventetgna ha astgau embellir la fiesta da s. Carmel cun la parada usitada. In grond engraziament. Era nies chor ei staus activs tenor pusseivladad ed ha cantau messa. Era ad els in grond engraziament. L'Uniun da dunnas ha organisau e creau il tscheri pascal sco era las candeilas usitadas da Pastgas.

Ministrants:

Nossas ministrants e nos ministrants ein s'engaschai bein e fan buna lavur cun ministrar messa. Cun grond plascher havein nus astgau beneventar uonn dus novs ministrants. Quei ei legreivel per nossa pleiv. Igl engaschi ei grondius e fa buna pareta en baselgia. Per tut ils buns survetschs ha la pleiv organisau bons da kino per ils ministrants sco engraziament.

Maridaglias, naschientschas e mortoris:

Maridaglias:

- Egli Urs cun Bleuler Lilian a Turitg
- Bundi Damian cun Iris Monn a Mustér sesents a Curaglia

Naschientschas:

- Bundi Mia naschida ils 18.11.2021, affon da Bundi Damian ed Iris Bundi sesents a Curaglia

Mortoris:

Ils mortoris 2021 ein:

- Giger-Venzin Maria Paula, Pardé
- Lutz Josef Martin, Baselgia
- Venzin-Widmer Erika Marlies Curaglia
- Derungs-Deflorin Giusepa Monica Curaglia

En cuort memento seregordan ils presents dils defuncts.

Gabriel Venzin-Marty: (president)

Il president elegia enzaconts temas dalla laver da suprastanza. Tals ein remarcai en detagi el rapport da gestiun e quen. In da quels temas senumna organizar il sunar en pleiv. La musica dall'orgla dat ina tempra tut speciala alla messa ed en baselgia. All'organista Evelina Giger admettein nus in grond engraziament persuenter. Medemamein engraziein nus al Claudio Simonet ed a Flurin Monn da Sumvitg per segidar. La suprastanza ei sefatschentada cun la pandemia da corona e ha scret las mesiras adattadas persuenter. Ei ha num da setener allas restricziuns ufficialas. Sin nies intschess vein nus ina retscha bialas capluttas. Talas drovan da temps en temps ina remedura. Aschia ei la caplutta da Darein en in schliet stan ed era la caplutta da Soliva drova ina remedura. La suprastanza ei lundervi da metter fil en guila, culs responsabels dallas capluttas, pertucont la sanazion. Il pensum impurtont per la suprastanza ei stau d'organisar igl andament da mintgadi en pleiv.

Emil Pally (cassier)

Nies cassier presenta il quen sut la tractanda da rendaques aschia ch'el fa neginas menziuns sut communicaziuns.

6. Elecziuns

- president

Sco president stat Gabriel Venzin-Marty vinavon a disposiziun. A caschun dalla davosa radunanza generala eis el vegnius elegius per in onn cun igl intent da far la punt denter la suprastanza nova e veglia. Cun grond levgiament havein nus intervegniu ch'el stat a disposiziun per ina ulteriura perioda d'uffeci da treis onns sco president da nossa pleiv.

Il Gabriel vegn reelegius unanimamein per ina perioda d'uffeci dad ulteriurs 3 onns. In grond engraziament persuenter.

-ugaus baselgia S.Martin e S.Clau

Werner Venzin ei vegnius elegius dalla davoda radunanza generala sco ugau baselgia da S.Martin e S.Clau. Ord motivs familiars ei il Werner sedecidius da restrentscher siu engaschi ella pleiv. Communablamein ha la suprastanza discurriu cun el quei tema e creau dus posts dad ugau (ugau tecnic ed ugau administrativ). Aschia eis ei stau pusseivel da reparter la laver e nus havein saviu salvar il Werner Venzin sco ugau.

Ugau tecnic: Il Werner Venzin ei vegnius elegius onn per ina perioda da treis onns. Sia funcziun nova ei quella digl ugau tecnic.

Ugau administrativ: Il Claudio Pally vegn elegius sco ugau administratur. El surpren siu uffeci per in onn sperond ch'ins anfli in successur per el silsuenter.

La radunanza admetta in cordial engraziament ad els per la buna laver.

Sur Giusep pren il plaid e fa la proposta da fusiunar las cassas dallas baselgias e cunzun da simplificar bein enqual caussa en pleiv e baselgias. Il president confirma che la suprastonza reprendi quei tema igl atun e ch'ella studegi da rudien il tema.

Sco successur dalla ugadessa Evelina Venzin dalla caplutta a Mutschengia ei Toni Venzin vegnius elegius entras la suprastonza dalla pleiv.

Ina successura per l'ugadessa Marlies Venzin da Fuorns ei aunc buca anflada. Communablamein ha ei num d'anflar ina buna sligiaziun per il futur.

7. Rendaquen 2021

a.) rapport annual dil cassier

Il cassier Emil Pally presenta il quen da 2021 cun gudogn da frs. 15'117.60. Il capital agen munta a frs. 160'601.03. La taglia da cultus summa a frs. 55'886.05. Las casas pervenda ein stadas ocupadas, quei ch'ei ina da nossas petgas d'intrada. La contribuziun dil Corpus Catholicum summa a frs. 17'326.00 quei che ei in surpli da frs. 3'326.00 che previu el preventiv.

Tier las expensas summa la paga dils plevons frs. 13'825.00. Tier las expensas dallas casas pervenda eis ei aunc da menziunar che igl ei vegniu midau las finiastras dalla casa pervenda a Curaglia per la summa da frs. 2'300. ed a Platta eisi vegniu midau ora in plantschiu e reparau in esch che dat expensas dad omisduas casas pervenda dad in total da frs. 7'135.85.

Il quen siara cun entradas da frs. 111'541.40 e cun expensas da frs. 96'423.80, quei seresulta in surpli d'entradas da frs. 15'117.60. Ils mieds liquids dalla pleiv muntan per ils 31.12.2021 frs. 191'574.68.

Il president Gabriel engrazia al cassier Emil per la presentaziun dil quen e per la buna laver prestada.

b.) rapport dils revisurs ed approbaziun dil quen 2021

Il revisur da quen Alfons Venzin prelegia il rapport dils revisurs da quen ch'ei aschuntaus al rapport da gestiun.

En num dils revisurs da quen propona el:

- d'approbar il quen dalla pleiv Medel/Lucmagn per ils 31 da december 2021
 - da dar scarica alla suprastonza ed a tuts funcziunaris renconuschend lur buna laver e laver prestada igl onn 2021.
 - d'admetter alla suprastonza ed a tuts funcziunaris dalla pleiv da Medel/Lucmagn in sincer Dieus paghi per la buna e cunscienziusa laver prestada igl onn 2021.

Il quen dalla pleiv per 2021 vegn approbaus unanimameincun admetter in grond engraziament a nies cassier Emil per la buna laver prestada.

Nies augsegner menziunescha ch'il fondo da messas fundadas seigi buca allegaus al messadi dalla pleiv. Il Claudio Pally menziunescha che quei seigi mai vegniu fatg. La suprastonza studegia co publicar tal alla proxima radunanza da pleiv.

8. Presentaziun ed approbaziun dil preventiv 2021

Il cassier Emil presenta il preventiv per 2021. Tier las entradas ed expensas ha ei buca dau grondas midadas. Il preventiv per 2022 ei previus cun entradas da frs. 101'285.00. e cun expensas da frs. 95'100.00.--, quei che dat in surpli da 6'185.00.

Ils presents approbeschan unanimamein il preventiv per 2022 sco vegnius presentaus dil cassier Emil Pally. Cordial engraziament ad el per la presentaziun.

9. Fixar il pei da taglia pigl onn 2021

La suprastonza propona alla radunanza generala da mantener il pei da taglia sco tochen dacheu sin 15%.

Ei vegn decidiu unanimamein da schar il pei da taglia sin 15%.

10. Varia

L'Antonia Lutz fa la damonda da reponderar igl andament cun las flurs a caschun d'ina sepultura. Eventualmein schar las flurs en baselgia e buca purtar ellas sin santeri. Ils presents san buca s'accordar cun quella idea. Pertuccont tgi che duei purtar las flurs ed ils tschuppials ein ils presents pertscharts ch'ei drovi in cert tgamun. Forsa fuss ei indicau da surdar quella incarica alla persuna responsabla tschentada dalla vischnaunca. Vinavon sa igl andament cun la reit per sfunsar l'urna vegnir migliuraus.

La Natalia Giger damonda daco ch'ils rusaris da morts hagien liug mintgaton allas 19.00 ed autras gadas allas 19.30 uras? Cheu sa nies secretari dar sclariment e di ch'el hagi risguardau ils giavischs dils parents. Ils presents secunvegnan d'organisar naven d'ussa il rusari fix allas 19:30.

Il secretari Patric Gienal orientescha aunc pertuccont la homepage che nies secretari dalla pleiv ei lundervi da cumponer. Tala drova massa lavur da preparaziun e duei esser semtgada a caschun dalla proxima radunanza generala dalla pleiv.

Sco finiziu engrazia nies secretari a tut quels che segidan en ina moda u l'autra cun el pertuccont il post da secretari ch'el ha surpriu da niev igl onn vargau; seigi quei la suprastonza, ils augsegners ni ils calusters. Il post ei vasts e dat dabia lavur.

Il president Gabriel Venzin-Marty concluda la radunanza cun engraziar a tuts da ver priu peda per ils fatgs dalla pleiv. El giavisch a tuts in bien retuorn a casa, buna sanadad ed ina biala stad. In special engraziament admetta el a sur Giusep, el ei il cor dalla pleiv.

A bun'ura siara Gabriel la radunanza da rendaques cun giavisch a tuts in bien retuorn a casa.

Curaglia, ils 13 da matg 2022

Per la pleiv Medel/Lucmagn

Il president:

Il secretari:



Gabriel Venzin-Marty



Gienal Patric

RAPPORT DA GESTIUN 2022

Preziadas parochianas
Prezai parochians

La suprastonza dalla pleiv presenta sco usitau il rapport da gestiun e quen 2022. Tal duei dar in sguard anavos e mussar tgei ch'ei occurriu igl onn ora. Nus essan ina pintga pleiv e tuttina drova ei ina massa mauns che segidan per saver mantener la pastoraziun. Tscheu e leu sentin nus denton ch'igl interess tschessa e ch'il diember da gidonders e gidontras sesminuescha. Sin tuts camps maunca glieud, lecturs, ministrants, suprastonts ed auters. Suenter la demissiun da nies secretari Patric Gienal essan nus stai sillla tscherca d'ina nova forza pil secretariat. Igl ugau administratur da S.Clau e S.Martin ha giu menziunau avon in onn ch'el fetschi aunc in onn siu survetsch. Entochen ussa eis ei buca reussiu da remplazzar el. Sche la pleiv vul survivor e star autonoma drova ei in sforz supplementar. Nus encurin glieud che segida e studegia cun nus ensemens co nus lein proceder igl avergnir. Nus tscherchein forzas giuvnas e frestgas che sustegnan nus.

Survetschs divins

Ils survetschs divins digl onn 2022 ein vegni celebrai da sur Giusep, sur Alexi e da sur Mathew.

Communablamein han ils augsegners tgirau bein nossa pleiv. In special engraziamenti admettein nus a sur Giusep che cusseglio nus cun bien maun. Nus engrazieein grondamein.

Dapi ils 2019 ei sur Mathew engaschaus parzialmein en nossa pleiv da Medel. Siu engaschi principal practichescha el ella pleiv da Tujetsch. Igl augsegner dall'India ei s'endisaus bein e dat cun siu slontsch buna tempra en nossa pleiv. Cun il davos d'uost ha sur Mathews abdicau sia piazza sco plevon a Sedrun e Medel. Nus giavischein ad el per siu futur tut mo il bien.

Sur Alexi vein nus vinavon saviu beneventar en nossa pleiv. El che ha ragischs en Val Medel vegn adina puspei bugen tier nus. Cun sia buna pronunzia e ses patratgs fundai vegn el schazegiaus fetg dils parochians.

Pastoraziun

La pastoraziun, il contact cul parochian ed il discours persunal han suenter corona legreivlamein puspei saver ver liug. Quei ha fatg grond plascher alla suprastonza da pleiv.

Administraziun

Alla suprastonza da pleiv eis ei reussiu dad engaschar in successur per il post vacant sco ugau caplutta da Mutschennengia. En sia seduta dils 29 da settember 22 ha la suprastonza elegiu Toni Venzin sco ugau caplutta. Plinavon ha la suprastonza era elegiu in niev portacafanun cunquei che Vincenz Giger ha vuliu seretrer da quei post. Sco niev portacafanun ei Duri Lutz vegnius elegius.

Fiestas

L'Uniun da Giuventetgna Medel ha astgau embellir la fiesta da s.Carmel, Sontgilcrest e la dumengia dil s.Rusari cun sia parada usitada. Nies Chor baselgia Medel ei staus activs tenor pusseivladad ed ha cantau messa. L'Uniun da dunnas ha organisau e creau il tscheri pascal sco era las candeilas usitadas da Pastgas.

Aschia eis ei semussau che la promtadad da segidar ei activa. La populaziun medelina ha mussau buna cooperaziun ed ei segidada culs pli fleivels e persuls. In grond engraziament a tuts per igl agid prestau.

Engaschis en nossa pleiv

A tuttas persunas ch'adempleschan in pign u in pli grond pensum ed uffeci seigi admess in grond Dieus paghi.

La lavur ed engaschi en pleiv funcziuna fetg bein ed ei repartida sin dabia schuialas. Tuttina ha la suprastanza fatg persenn ch'ei drovi tscheu e leu aunc enqual persuna che s'engaschi. Seigi quei cun leger en baselgia ni era ils posts da ugaus/essas ch'ein da pazzar proximamein. Tut en tut vein nus in bien andament en pleiv. La suprastanza admetta in grond engraziament persuenter.

Ministrants

Nossas ministrantas e nos ministrants ein s'engaschai bein e fan buna lavur. Quei ei legreivel per nossa pleiv. Igl engaschi ei grondius e fa buna pareta en baselgia. Per tut ils buns survetschs ha la pleiv organisau sco engraziament bons da kino per las giuvnas e dus autos da lego tecnic per ils ministrants.

Rapport ugau 2022

Ils zenns dalla baselgia S.Martin a Platta tuccan puspei en tutta harmonia suenter ina gronda sanaziun. Denton fagein nus quitaus e fastedis co il surcombras dalla baselgia S.Martin vesa ora. Il decuors dils onns ha tal pitiu e nus laschein intercurir il fatg.

Aschia pren la suprastanza ina decisiun buca sempla da capir per in ni l'auter.

Numnadamaein che las messas vegnan celebradas a Curaglia entochen che nus vein ils resultats. Ei lai buca midar entochen che las analisas dils umens dil fatg ein instradadas, silsuenter san ins prender mesiras leutier.

A Curaglia en baselgia S.Clau funcziunescha il menaschi detg bein, denton sentan ins ils fastitgs da corona. Tut ei iu anavos sco per ex. unfrendas ni cassas per ils sanctuaris, aschia sesminueschan ils contos continuadamein.

A nos calusters Alice e Pauli in cordial engraziament per lur lavur. Nus selegrein mintgamai dils sanctuaris schubers e bials ornai da tut temps.

Lavur da suprastanza

La Suprastanza dalla pleiv ha salvau igl onn 2022 otg sedutas. En quellas ha ella giu da discuorer e decider da differents temas che gidan ad administrar nossa pleiv. Il president enumerescha cheusut enzaconts temas:

- Decider dalla sanaziuns dil pilotadi dils zenns da S.Martin
- Ella ha installau ina gruppa da lavur che sefatschenta dil tema dallas capluttas (electricitat, sanaziun, persunal, pagas ea.)
- Sefatschentar dalla sanaziun da plazs, parcadis e lingias en connex culla sanaziun dalla via principala entras la vischnaunca.
- Organisar in ugau per Nossadunna a Fuorns
- Scriver e publiciar la nova pagina da casa dalla pleiv
- Eleger in niev portacafanun
- Eleger in niev ugau caplutta a Mutschngengia e Pelegrins

- Sefatschentar dils statuts casa pervenda (praus Platta)
- Sefatschentar dil parcar a Platta duront messa
- Encurir ina persuna pil secretariat.
- Organisar co substituir ils funciunaris ellas vacanzas.
- Eleger duas personas ella gruppera dalla «regiun pastoral».
- Organisar las honoraziuns dils giubilars dil Chor baselgia Val Medel
- Far patratgs da dislocar igl archiv dalla pleiv en connex culla restructuraziun dil center communal
- Sefatschentar dalla gruppera liturgica da Tujetsch
- Sefatschentar dalla problematica da S.Martin pertucont il surcombras

La lavur da suprastonza ei stada buna ed ei vegn luvrau maun en maun. In grond engraziament s'auda a nies secretari partent Patric Gienal. El ha fatg bia e buna lavur. Nus deplorein sia demissiun. In grond Dieus paghi. El resta fideiveles a nus entochen fin fevrer 2023.

Maridaglias, naschientschas e mortoris

Maridaglias:

- Venzin-Bearth Ursina e Victor

Naschientschas:

- Osmani Parajsa da Hekurim ed Anishe, Curaglia
- Dos Santos Cruz Chloe da Nelson Miguel e Sandra, Curaglia
- Moser Leonie Elena da Benjamin e Ramona, Curaglia

Mortoris:

Il zenn grond ha el decours digl onn vargau annunziau quater gadas la mort d'ina parochiana ni d'in parochian. Nus astgein esser loschs che tontas parochianas e tons parochians sustegnan las famiglias en malencurada cun lur presenza als survetschs divins funerals. Els rruaussien en pasch!

Ils mortoris da 2022 ein:

- Giger-Bundi Julia, Curaglia
naschida ils 21-04-1933 / morta ils 20-01-2022
- Pally-Beeli Maria Anna, Curaglia
naschida ils 10-01-1925 / morta ils 02-02-2022
- Giger-Giger Clara Cecilia, Curaglia
naschida ils 15-09-1928 / morta ils 19-02-2022
- Giger Leci Augustin, Pardé
naschius ils 29-11-1937 / morts ils 06-05-2022
- Pally Josef Martin, Platta
naschius ils 23-10-1925 / morts ils 08-09-2022
- Lutz-Camenisch Leonhard Anton, Curaglia
naschius ils 29-07-1937 / morts ils 15-09-2022

- Flepp-Flepp Rosa Antonia,Curaglia
naschida ils 26-12-1925 / morta ils 22-09-2022
- Bearth Paul Martin,Pardé
naschius ils 09-12-1934 / morts ils 09-11-2022
- Giger-Spadin Maria Hildegard, Pardé
naschida ils 23-09-1942 / morta ils 23-12-2022

Engraziament

La pleiv funcziuna bein perquei che la laver schai sin biaras schuialas. Bia persunas segidan ella pastoraziun, ella messa, en suprastonza, els sanctuaris e cun porscher nos survetschs dalla baselgia. Ei drova tuts. La suprastonza da pleiv admetta in grond Dieus paghi a tuts per la buna laver.

La pleiv engrazia era a tuts auters ch'ein attaschai alla pleiv da Medel e che sustegnan ella en ina moda ni l'autra.

PLEIV DA MEDEL/LUCMAGN

La suprastonza

LAS AUTORITADS DALLA PLEIV MEDEL/LUCMAGN 2022

Suprastonza da pleiv 2022

President:	Gabriel Venzin-Marty, Curaglia
Actuar e secretari:	Patric Gienal, Curaglia
Cassier:	Emil Pally, Curaglia
Ugau baselgia tecnic S.Clau, S. Martin	Werner Venzin, Curaglia
Ugau baselgia administratur S.Clau, S. Martin:	Claudio Pally, Platta
Revisurs da quen:	Venzin Alfons, Curaglia Venzin Susanna, Curaglia

Ugaus ed ugadessas dallas capluttas 2022

Caplutta S.Brida, Biscuolm:	Placi Flepp, Curaglia
Caplutta S.Giusep, Pali:	Susanna Venzin, Curaglia
Caplutta S.Carli Boromeus, Darein:	Gitta Pally, Curaglia
Caplutta S.Roc, Pardé:	Ciprian Giger, Pardé
Caplutta S.Gion Battesta, s. Gions:	Arnold Flepp, Curaglia

Caplutta S.Pieder e s. Paul, Soliva:	Claudia Pally, Platta
Caplutta S.Bistgaun, Mutschnengia:	Toni Venzin, Mutschnengia
Caplutta da Nossadunna, Fuorns:	Corina Venzin e Rico Bearth, Fuorns (ugaus tecnics) Claudio Pally (ugau administrativ)
Caplutta S.Giachen, Acla:	Martin Bearth, Fuorns
Statua S.Paul, Fravia:	Claudio Pally

Calusters, catecheta, organists

Calusters Platta e Curaglia:	Alice e Pauli Deragisch, Curaglia
Calustra Fuorns:	Venzin Corina e Rico Bearth, Fuorns
Calustra Pardé:	Paulina Giger, Pardé
Caluster Mutschnengia:	Alice e Pauli Deragisch, Curaglia
Organista/organists:	Evelina Giger, Curaglia Claudio Simonet, Curaglia

Gruppa liturgica cun gidonters e gidontras

Lecturas:	Alice Deragisch Gabriel Venzin-Marty Carla Giger Ciprian Giger
Rusari da morts:	Natalia Giger Paulina Giger
Porta cafanun:	Duri Lutz

Augsegners gidonters:

- Sur Giusep Venzin, Pardé
- Sur Alexi Manetsch, Mustér
- Paders dalla Clastra, Mustér

Stan da facultad dallas baselgias e capluttas dalla pleiv 2022

Baselgia parochiala S.Martin, Platta:	102'765.53
Baselgia Sontgaclau, Curaglia:	100'220.67
Caplutta S.Brida, Biscuolm:	18'469.95
Caplutta S.Giusep, Pali:	32'331.35
Caplut S.Carli Boromeus, Darein:	2'609.60
Caplutta S.Roc, Pardé:	6'268.35
Caplutta S.Gion Battesta, s. Gions:	33'987.05
Caplutta S.Pieder e s. Paul, Soliva:	9'040.63
Caplutta S.Bistgaun, Mutschnengia:	39'211.90
Caplutta da Nossadunna, Fuorns:	5'849.86
Caplutta S.Giachen, Acla:	46'169.68
Statua S.Paul, Fravia:	625.81

CP 09.03.2023

Quen 2022

Pleiv Medel/Lucmagn

AKTIVEN		31.12.2022	31.12.2021
1020	Conto corrent RB 55431.61 ()	25'475.88	80'951.03
1025	Conto da spargn RB 55431.90 ()	170'461.97	110'423.65
1026	Cedel da participaziun RB 55431.98	200.00	200.00
1300	Debiturs ()	71'990.80	60'241.35
1510	Immobilias/mobiliar ()	1.00	1.00
1520	Terren d'agricultura ()	1.00	1.00
TOTAL AKTIVEN		268'130.65	251'818.03

PASSIVEN		31.12.2022	31.12.2021
2000	Crediturs ()	26'485.20	35'217.00
2420	Emprést da banca/hipotecas ()	54'000.00	56'000.00
2800	Capital agen ()	160'601.03	145'483.43
Gewinn		27'044.42	15'117.60
TOTAL PASSIVEN		268'130.65	251'818.03

Anaagta 21.02.2023

Tally
S. Kettner
L. Klein

Pleiv Medel/Lucmagn

AUFWAND	2022	2021
5600 Paga plevon	11'850.00	13'825.00
5620 Calustra Platta e Curaglia	16'000.20	16'000.20
5630 Organists Platta e Curaglia	7'349.60	4'850.40
5650 Paga suprastanza e revisurs da quen	5'480.00	5'260.00
5655 Sedutas da suprastanza	1'520.00	1'260.00
5665 Pleiv S. Gions Mustér Instrucczun religiosa	1'200.00	1'200.00
5700 AHV, IV, EO, ALV	3'826.80	3'292.75
5710 Segirada d'accident e malsogna	1'305.00	1'269.00
5800 Spesas plevons auto etc.	501.90	895.50
5900 Material da biro, portos, telefons	1'644.00	1'644.00
5950 Spesas da banca	202.00	127.95
6050 Segirada d'inventar	2'845.50	2'839.45
6060 Segirada da baghetgs GVG	2'954.25	1'082.05
6200 Scaldament, electricitat	8'433.85	8'749.00
6500 Expensas baselgia S. Martin e S. Clau	15'637.35	18'640.00
6600 Expensas casa parvenda Platta e Curaglia	4'098.15	7'135.85
6700 Taxas d'aua/auas piarsas e dismessa da rumians	4'014.55	3'809.55
6900 Tscheins passivs	1'519.40	1'574.40
6950 Diversas expensas	2'457.60	2'968.70
TOTAL AUFWAND	93'240.15	96'423.80

ERTRAG	2022	2021
3200 Taglia da cultus	65'848.55	55'886.05
3250 Contribuziun corpus catholicum	15'807.00	17'326.00
3300 Contribuziun baselgia S. Clau	4'500.00	4'500.00
3350 Contribuziun baselgia S. Martin	4'500.00	4'500.00
3500 Tscheins casa parvenda Platta	10'800.00	10'800.00
3550 Tscheins casa parvenda Curaglia	12'000.00	12'000.00
3560 Tscheins praus e baghetgs	785.00	785.00
3700 Tscheins banca	46.12	44.60
3800 SVS cumpart persunal	1'584.00	1'507.65
3810 Segiradas cumpart persunal	405.60	405.60
3900 Taxas au/a auas piarsas e dismessa da rumians	1'745.95	1'721.25
3950 Segirada d'inventar	514.25	514.25
3960 Diversas	1'748.10	1'551.00
TOTAL ERTRAG	120'284.57	111'541.40
Gewinn	27'044.42	15'117.60

Curaglia 21.02.2023

04.02.2023

S. Venza
A. Cattal

-2-

Rapport dils revisurs

Rapport dils revisurs da quen per igl onn 2022

En nossa funcziun sco organ da controlla dalla pleiv da Medel/Lucmagn e sin fundament dalla constituziun e lescha da taglia dalla pleiv da Medel havein nus en differantas sesidas examinau il quen da menaschi e la bilanza dalla pleiv, dalla baselgia da s. Martin, dalla baselgia da s. Clau sco era ils quens dallas capluttas da nostra pleiv per igl onn 2022.

A caschun dalla revisiun dils quens han nossas damondas tschentadas per informaziun e controlla pudi vegnir rispondidas per nossa cumpleina cumentientscha.

Nossas controllas ein sebasadas sin entradas, expensas sco era sin activas e passivas da tut ils differents contos. Las quittanzas d'entradas ed expensas ein avon maun e registradas a moda surveiseivla. Tut ils tetels da valur ein vegni presentai e corrispundan cun las cudischaziuns.

Sin fundament da nossa revisiun fatga proponin nus alla radunanza generala

- d'approbar il quen annual 2022 dalla pleiv da Medel sco presentaus e d'exprimer il beinmeritau engraziament al cassier.
- d'approbar ils quens annuals 2022 dallas baselgias da s. Martin e s. Clau sco era dallas capluttas cun admetter allas ugadessas ed als ugaus in sincer engraziament per lur engaschi.
- da dar scarica alla suprastonza ed als funcziunaris da nostra pleiv renconuschend la buna e cunsclienziusa lavur prestada.

Curaglia, mars 2023

Ils revisurs da quen



Alfons Venzin



Susanna Venzin

Preventiv 2023

Preventiv dalla pleiv Medel/Lucmagn 2023

Entradas	Preventiv 2022	Preventiv 2023
Taglia da cultus	49'000.00	58'000.00
Contribuziun corpus catholicum	15'000.00	15'000.00
Contribuziun baselgia S. Clau	4'500.00	4'500.00
Contribuziun baselgia S. Martin	4'500.00	4'500.00
Tscheins casa parvenda Platta	10'800.00	10'800.00
Tscheins casa parvenda Curaglia	12'000.00	12'000.00
Tscheins praus e baghetgs	785.00	785.00
Tscheins BR, conto current e carnet de spargn	-	-
SVS cumpart persunal	1'550.00	1'500.00
Segierada d'accident e malsogna cumpart persunal	450.00	400.00
Taxa aua/aua piarsa e dismissa da rumians	1'700.00	1'700.00
Segirada d'inventar	500.00	500.00
Diversas entradas	500.00	500.00
Entradas extraordinarias		
Total entradas	101'285.00	110'185.00
Surpli expensas		

Preventiv dalla pleiv Medel/Lucmagn 2023

Expensas	Preventiv 2022	Preventiv 2023
Paga plevon	18'000.00	18'000.00
Gidonters en pastoraziu	-	-
Calustra, Platta e Curaglia	16'000.00	16'600.00
Organists , Platta e Curaglia	6'000.00	7'500.00
Paga suprastonza	5'300.00	6'800.00
Sedutas da suprastonza	900.00	1'500.00
Scolasta da dctrina	-	-
Pleiv s. Gions Muster instruczion religiusa	1'200.00	1'200.00
SVS segirada da vegls e survivents	3'300.00	4'200.00
Segirada d'accident e malsogna	1'400.00	1'450.00
Spesas plevon (auto e telefon)	1'000.00	800.00
 Material da biro, portos e telefonos	1'650.00	1'650.00
BR, spesas conto current	150.00	150.00
 Segirada d'inventari per baselgias e capluttas	2'850.00	2'850.00
Segirada da baghetgs GVG	3'000.00	3'000.00
Scaldament e forza electrica baselgias	9'000.00	8'000.00
 Expensas baselgia s.Martin e s.Clau	10'000.00	10'000.00
Expensas casa parvenda Platta e Curaglia	7'000.00	7'000.00
Dismessa da rumians e auas piarsas	3'800.00	4'000.00
 Tscheins passivs	1'550.00	1'500.00
Amortisaziun	2'000.00	2'000.00
 Diversas expensas	1'000.00	1'500.00
 Total expensas	95'100.00	99'700.00
 Surpli entradas	6'185.00	10'485.00
	101'285.00	110'185.00

Curaglia, fevrer 2023

il cassier: Emil Pally

La pleiv da Medel enquera

gidontras e gidonters per la lavur en pleiv

La communitad sil mund ed era tier nus ei en pitgiras e bia valurs impurtontas han ina digren. Era en nossa pleiv drova ei in stausch da puspei ingrondir la communitad e s'engascher per il convischin. Seigi quei el survetsch divin ni ella lavur ella societad.

La suprastonza dalla pleiv da Medel drova sustegn e giavischa agid dils parochians. Aschia encurin nus agid sin tuts camps. Nus enumerein enqual camp che drova sustegn:

- Per leger las lecziuns. Il team existent drova agid per reparter il leger sin dapli buccas.
- Per la lavur da pastoraziun: nies team existent ei memia pigns e drova dapli mauns segideivels e bunas ideas co s'engaschar pils parochians.
- Per gidar a crear survetschs divins dil plaid. Nuslein sustener nos augsegners pensiunai cun esser activs en quella grappa e porscher in survetsch cu nus vein buca augsegner.
- Per la lavur en suprastonza: nus encurin 2-3 persunas che segidan cun la lavur davos las culissas
- Per agid creativ: nus encurin forzas giuvnas e creativas che portan novas ideas ed animeschian la populaziun giuvna da s'eparticipar.

La suprastonza da pleiv da Medel ei pertscharta ch'ei sto dar in stausch en nossa pleiv e ch'ei drova bia mauns che segidan. S'annunziei pia e laschei saver nua che vus leis segidar. Nus vein lavur detgavunda.

Sche nus vein plidentau vies interess lu s'annunziei sut pleiv.medel@gmail.com ni sut 079 294 29 64.

Per la pleiv da Medel/Lucmagn
La suprastonza